

UPUTE ZA DV-2011. RAZNOVRNSNA USELJENIČKA VIZA LUTRIJA

Američki useljenički program osigurava provedbu godišnjeg Programa DV-2011 (raznovrsna useljenička viza lutrija, 2011), dajući svake godine mogućnost izdavanja 50.000 viza za stalni boravak u SAD osobama koje ispunjavaju određene uslove, odabirom nasumično izvučenih molbi.

Vize su podijeljene u šest geografskih područja, prema stopi useljavanja u zadnjih pet godina, s većim brojem viza u prilog regija sa manjom stopom useljavanja.

Za program DV-2011 prijave NE MOGU SLATI osobe ROĐENE u Brazilu, Kanadi, Kini (kopneni dio), Kolumbiji, Dominikanskoj Republici, Ekvadoru, El Salvadoru, Gvatemali, Haitiju, Indiji, Jamajci, Meksiku, Pakistanu, Filipinima, Peruu, Poljskoj, Južnoj Koreji, Velikoj Britaniji (osim Sjeverne Irske) i njoj pripadajućim teritorijama i Vijetnamu. Osobe rođene u Hong Kongu, Makau i Tajvanu mogu slati prijavu.

PRIJAVE TREBA DA DOSPIJU ELEKTRONSKIM PUTEM IZMEĐU PETKA, 2. OKTOBRA 2009 U PODNE. I PONEĐELJKA, 30. NOVEMBRA 2009. GODINE U PODNE. Učesnici mogu doći do formulara za prijavu na sljedećoj adresi: **www.dvlottery.state.gov** tokom 60 dana koliko traje registracijski period počev od 2. OKTOBRA 2009. Prijave poslane poštom neće biti prihvaćene.

KO MOŽE PODNIJETI PRIJAVU?

Prijavu možete podnijeti ako ste rođeni u jednoj od zemalja uključenih u program i ispunjavate postavljene uslove. Ako vaša zemlja rođenja nije uključena u program, ali zemlja vaše supruge/supruga jeste, možete izabrati mjesto rođenja vašeg supruga/e umjesto svoga i tako se uključiti u Program DV-2011. Isto tako, ako ste rođeni u zemlji koja ne može učestvovati, ali vam nijedan od roditelja nije tamo rođen niti je tamo stalno boravio u to vrijeme, možete za svoju "pripadnost po rođenju" uzeti jednu od njihovih zemalja rođenja.

USLOVI: ŠKOLSKA SPREMA ILI STRUČNA NAOBRABZA

Podnosilac prijave za Program DV-2011 mora imati:
- srednjoškolsko obrazovanje ili završeno dvanaestogodišnje školovanje (završene osnovna i srednja škola), što odgovara američkoj srednjoškolskoj diplomi, ili
- dvije godine radnog iskustva u zadnjih pet godina u zanimanju koje zahtijeva barem dvije godine obuke ili iskustva prema pravilima američkog Ministarstva rada (link za ovo ministarstvo možete pronaći na sljedećoj adresi: <http://www.travel.state.gov>).

Ako ne ispunjavate ove uslove, NE ŠALJITE prijavu.

UPUTA KAKO PODNIJETI PRIJAVU ZA DV-2011

Svaki podnosilac može poslati samo JEDNU prijavu u toku za to određenog perioda. Podnošenje više od jedne prijave po osobi poništiće mogućnost sudjelovanja u programu. Ministarstvo vanjskih poslova SAD (Department of State) će poslati podnosiocu elektronsku potvrdu o primitku prijave koji će sadržavati vaše ime i prezime, datum rođenja, zemlju porijekla i datum i vrijeme podnošenja zahtjeva. Prijave poslane poštom neće biti uzete u obzir. Prijava će biti diskvalificirana ako ne budu priložene sve potrebne fotografije. Novije fotografije podnosioca

i njegovog supružnika i svakog djeteta mlađeg od 21 godine, uključujući svu rođenu djecu i djecu koja su legalno usvojena, te pastorčad, osim djece koja su već američki državljani ili imaju pravo stalnog boravka u Sjedinjenim državama, čak i kada dijete više ne živi sa vama ili ne namjerava da se useli u Sjedinjene države putem DV programa, moraju biti poslani elektronski, putem elektronske prijave za DV (EDV). Grupne ili porodične fotografije neće biti prihvaćene; mora postojati odvojena fotografija za svakog člana porodice.

Svaki učesnik, njegov supružnik i svako dijete će imati kompjuterski dosije koji sadržava njegovu/njenu digitalnu fotografiju koja će biti poslana on-line sa EDV formularom. Slika se može napraviti digitalnim foto-aparatom ili možete skenirati običnu fotografiju digitalnim skenerom. Ukoliko poslane digitalne fotografije ne odgovaraju sljedećim specifikacijama, sistem će automatski odbaciti EDV prijavi formular i o tome obavijestiti pošiljaoca.

- slika mora biti u Joint Photographic Experts Group (JPEG) formatu
- Slika mora biti ili u koloru ili u nijansama sive (grayscale) (monohromne slike neće biti prihvaćene)
- Ukoliko je slika slikana digitalnim foto-aparatom, mora biti rezolucije 320 X 240 px sa brojem boja od 24 bita ili 8 bita ili 8 bita u sivim nijansama.
- Ako je skenirana obična fotografija ona mora biti veličine 2 x 2 inča (5 x 5 cm). Mora biti skenirana u rezoluciji od 150 tačaka po inču (dots per inch) i sa brojem boja od 24 bita, 8 bita ili u 8 bita sive nijanse.
- Maksimalna veličina koja će biti prihvaćena je 62,500 bajta (bytes)
- Učesnik mora gledati pravo u kameru, glava ne smije biti okrenuta u stranu ili pognuta, te mora pokrivati približno 50% površine slike.
- Pozadina fotografije mora biti neutralna i svijetla. Fotografije sa veoma tamnom ili šarenom pozadinom neće biti prihvaćene.
- Fotografije na kojima lice osobe koja se fotografiše nije u fokusu neće biti prihvaćene.
- Fotografije na kojima osoba koja se slika nosi sunčane naočale ili neke druge stvari koje odvlače pažnju od lica neće biti prihvaćene.
- Fotografije osoba koje nose pokrivala za glavu ili šešire ili kape će biti prihvaćene samo u slučaju religioznih ubjeđenja, a čak i tada ne smiju pokriti bilo koji dio lica. Fotografije osobe sa plemenskim obilježjima ili drugim pokrivalima za glavu koja nisu specifično vezana za religiju nisu prihvatljive. Fotografije vojnog osoblja ili osoblja avio kompanije sa kapama neće biti prihvaćene.

POSTUPAK PRIJAVLJIVANJA

Postoji samo jedan način da se prijavite za učešće u lutriji DV 2011. Učesnici moraju poslati ELEKTRONSKU PRIJAVU ZA RAZNOVRNSNU LUTRIJU (EDV prijavi formular), kojem možete pristupiti samo na <http://www.dvlottery.state.gov> Nepotpuno popunjen formular će diskvalificirati učesnikovu prijavu. Učesniku će biti traženo da pruži sljedeće informacije na EDV formularu.

1. PUNO IME I PREZIME – Prezime, ime, srednje ime
2. DATUM ROĐENJA – Dan, mjesec, godina
3. SPOL – muški ili ženski
4. GRAD/MJESTO ROĐENJA

5. ZEMLJA ROĐENJA-Naziv zemlje mora biti onaj koji je trenutno u upotrebi za mjesto gdje je učesnik rođen.
6. ZEMLJA KOJA SE KVALIFIKUJE ZA UČESTVOVANJE U DV PROGRAMU - vaša zemlja kvalificiranja je zemlja vašeg rođenja. Ovo ne znači da vi morate živjeti u toj zemlji. Ukoliko ste rođeni u zemlji koja se ne kvalificira za učestvovanje u DV programu, pročitajte instrukcije da li postoji neka druga opcija za vas za izbor zemlje učesnice u programu.
7. FOTOGRAFIJA UČESNIKA – vidjeti uputstva za fotografije
8. POŠTANSKA ADRESA – adresa, grad/mjesto, (oblast/pokrajina), poštanski broj, država
9. ZEMLJA U KOJOJ SADA ŽIVITE
10. TELEFONSKI BROJ
11. E-MAIL ADRESA
12. KOJI JE NAJVIŠI STEPEN VAŠEG ZAVRŠENOG OBRAZOVANJA DO SADA? Morate navesti koje od sljedećeg predstavlja vaš najviši stepen obrazovanja (1) osnovna škola samo, (2) srednja škola, bez mature, (3) srednja škola sa maturom, (4) stručna škola, (5) neki visokoobrazovni kursevi, (6) fakultetske diplome, (7) neki postdiplomski kursevi, (8) magisterij, (9) neki kursevi iz doktorskog programa, (10) zvanje doktora nauka.
13. BRAČNO STANJE –Da ili Ne
14. BROJ DJECE KOJA SU NEOŽENJENA/NEUDATA I MLADA SU OD 21 GODINE. Morate navesti ime, datum i mjesto rođenja vašeg supružnika i sve djece koja nisu udata/ožjenjena i mlađi su od 21 godinu.
15. INFORMACIJE O SUPRUŽNIKU - Ime i prezime, datum rođenja, spol, grad/mjesto rođenja, zemlja rođenja, fotografija
16. INFORMACIJE O DJECI Ime i prezime, datum rođenja, spol, grad/mjesto rođenja, zemlja rođenja, fotografija

VAŽNA NAPOMENA

Podnošenje prijave za Program DV-2011 je besplatno. Korištenje usluga i pomoći bilo kojeg posrednika pri popunjavanju i slanju prijave potpuno je privatna odluka podnosioca. Jednaka je mogućnost odabira za sve prispjele prijave bez obzira da li je prijavu poslao sam podnositelj ili je to u njegovo ime neko učinio.

IZBOR UČESNIKA

Učesnici će biti izabrani nasumice - kompjuterski - između svih važećih prijava. Izabrani učesnici biće obaviješteni poštom između maja i jula 2010 kada će dobiti i ostale upute, uključujući i one o plaćanju taksi za useljeničku vizu za SAD. Osobe čije prijave ne budu izvučene, NEĆE BITI POSEBNO OBAVIJEŠTENE. Američke ambasade i konzulati neće moći davati spiskove dobitnika.

Supruge/zi dobitnika i njihova neudata/neoženjena djeca, mlađa od 21 godine, takođe će imati pravo da podnesu zahtjev za useljeničku vizu da bi otišli zajedno sa glavnim dobitnikom. Vize za dobitnike lutrije DV-2011 će se izdavati u periodu od 1. oktobra 2010. do 30 septembra 2011.

DOBITNICI, IZABRANI NASUMIČNIM IZVLAČENJEM, MORAJU ZADOVOLJAVATI SVE USLOVE AMERIČKOG ZAKONA O USELJAVANJU DA BI IM MOGLA BITI IZDATA VIZA.

Procesiranje prijava i izdavanje viza se mora završiti do ponoci 30. septembra 2011. Ni pod kojim uslovima DV viza neće moći biti izdata nakon ovog datuma. Članovi porodica dobitnika takođe ne mogu dobiti vizu nakon ovog datuma da bi se pridružili glavnom dobitniku u SAD.